



Broj: 13-14-836/19

Datum: 20.09.2019.godine.

Na osnovu člana 70 stav (3) Zakona o javnim nabavkama ("Službeni glasnik Bosne i Hercegovine" broj 39/14), člana 146 Statuta Općine Novo Sarajevo ("Službene novine Kantona Sarajevo" broj 35/10) i člana 200 Zakona o upravnom postupku ("Službene novine Federacije BiH" broj 2/98), a na prijedlog Komisije za javnu nabavku usluga, radova i usluga vezanih za radove, Općinski načelnik d o n o s i

RJEŠENJE

o poništenju postupka javne nabavke

Član 1.

Poništava se postupak javne nabavke usluga „Održavanje opreme civilne zaštite“.

Član 2.

Za izvršenje ovog Rješenja zadužuje se Služba za zajedničke poslove Općine Novo Sarajevo.

Član 3.

Rješenje o poništenju postupka javne nabavke objavit će se na web stranici www.novosarajevo.ba, u skladu sa članom 70. Stav (6) i članom 71 Zakona o javnim nabavkama BiH.

Obrazloženje

Postupak javne nabavke proveden je putem konkurentskog zahtjeva za dostavljanje ponuda, a pokrenut je na osnovu Zaključka Općinskog načelnika broj: 13-14-836/19 od 02.09.2019.godine.

Procijenjena vrijednost javne nabavke sa PDV-om je: 30.000, 00 KM.

Obavještenje o javnoj nabavci broj: 935-7-2-148-3-125/19 od 10.09.2019. u 13²⁵, poslano je na objavu na Portal javnih nabavki.

Komisija za javnu nabavku usluga, radova i usluga vezanih za radove, je imenovana Zaključkom Općinskog načelnika broj: 13-14-836/19 od 02.09.2019.godine.

Iz Zapisnika sa otvaranja ponuda Komisije za javnu nabavku je vidljivo da je dana 19.09.2019. godine Komisija izvršila javno otvaranje blagovremeno prispjelih slijedećih ponuda:

R. br.	Naziv i sjedište ponuđača
1.	OR „I WASH“ Sarajevo

Zapisnik sa otvaranja ponuda je isti dan ponuđaču poslan elektronskom poštom.

Nakon izvršenog otvaranja ponuda Komisija za javnu nabavku usluga, radova i usluga vezanih za radove je pristupila ocjeni jedine pristigle ponude, te je konstatovala slijedeće:

Uvidom u „Izveštaj o preuzimanju tenderske dokumentacije od strane ponuđača“, Komisija je konstatovala da ponuđač OR „I WASH“ Sarajevo nije direktno preuzeo tendersku dokumentaciju sa portala javnih nabavki te ocijenila da iz tog razloga dostavljena ponuda ne može biti predmetom ocjene.

Članom 9. stav 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj: 90/14 i 53/15) jasno je definisano da ukoliko ugovorni organ objavi tendersku dokumentaciju na portalu javnih nabavki (što je od 01.01.2019.godine obaveza ugovornog organa za sve javne nabavke koje pokreće), onda je preuzimanje tenderske dokumentacije od strane ponuđača moguće isključivo putem portala E-nabavke i tenderska dokumentacije se ne može preuzimati na druge načine predviđene članom 55. stav 1. tačka a) do c) Zakona o javnim nabavkama („Službeni glasnik BiH“, broj: 39/14).

Budući da je sistem „E-nabavke“ razvijen u skladu sa Zakonom i podzakonskim aktima, to u slučaju kada je tenderska dokumentacija objavljena na portalu javnih nabavki i kada ugovorni organ objavljuje obavještenje o dodjeli ugovora, odnosno dostavlja izvještaje Agenciji za javne nabavke, tada sistem omogućava odabir samo onih ponuđača koje je sam sistem evidentirao kao ponuđače koji su preuzeli tendersku dokumentaciju sa portala javnih nabavki.

Dakle, da bi potencijalni ponuđač učestvovao u postupku javne nabavke za koji je tenderska dokumentacija objavljena na Portalu javnih nabavki, nije dovoljno da ponuđač bude registrovan i aktivan, već i da direktno preuzme tendersku dokumentaciju za konkretan postupak javne nabavke.

Shodno navedenom, u skladu sa odredbama člana 68. stav 4. tačka j) Zakona o javnim nabavkama BiH, ponuda ponuđača OR „I WASH“ Sarajevo, se odbacuje jer ponuđač nije preuzeo tendersku dokumentaciju sa portala javnih nabavki.

Komisija za javnu nabavku usluga, radova i usluga vezanih za radove, jednoglasno predlaže Općinskom načelniku da u skladu sa odredbama člana 69. stav 2) tačka d) Zakona o javnim nabavkama donese Rješenje o poništenju postupka javne nabavke usluga „Održavanje opreme civilne zaštite“.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Rješenje o poništenju postupka javne nabavke donešeno jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav 2) tačka d) Zakona o javnim nabavkama, odlučeno je kao u dispozitivu Rješenja.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 113, fax: (387 33) 492 338, email: zajednickiposlovi@novosarajevo.ba

Identifikacioni broj: 4206558710008 PDV broj: 200558710008 Porezni broj: 0170333000

Depozitni račun (za uplatu svih javnih prihoda): 3380002210023628 UniCredit Bank d.d. Sarajevo;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

3386902296664459 UniCredit Bank d.d. Sarajevo;


102050000098065 Union Banka d.d. Sarajevo; 1413065320060897 Bosna Baak International d.d.



Pouka o pravnom lijeku:

Protiv ovog Rješenja može se izjaviti žalba, najkasnije u roku od **10 (deset) dana** od dana prijema.
Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.
Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



OPĆINSKI NAČELNIK,

DOSTAVITI:

- OR I WASH Sarajevo
- a/a

Općinu Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 113, fax: (387 33) 492 338, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (za uplatu svih javnih prihoda): 3380002210023628 UniCredit Bank d.d. Sarajevo;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

3386902296664459 UniCredit Bank d.d. Sarajevo;

1020500000098065 Union Banka d.d. Sarajevo; 1413065320060897 Bosna Bank International d.d.

